

saranno, *sin minus* de li denari de la Signoria nostra.

Verum, se'l serà querelado ad algun oficio de questa città nostra, et justificato almeno per uno testimonio, ch'el ne sia in alguna cassa over balla bollada roba alcuna de mercantia che non fosse in boleta, sia in libertà de quelli ofici che averano tal querele mandar a tuor et far condur al suo officio quelle robe bollade che fusseno in querela, lassando però andar il burchio et la barcha al suo viazo; et aperte et viste nel dito oficio, ritrovando cossa alguna fora di boleta, se intendi esser persa tutta la roba de dite balle over casse, si quelle fusseno in boleta come fuori de boleta, da esser divise justa la forma de le leze di contrabandi senza alguna contradiction; nè se li possi far gratia, nè don alguno, sotto pena di ducati 100 a chi contrafasesse. Et non trovando cossa alguna, li sia ritornato il suo senza alcuna minima spesa over manzaria, sotto le pene sopradite.

Cæterum, li burchii et barche che cargeranno a posta mercadantie per diversi lochi, cagiate le robe, avanti el suo partir de questa terra debino far far le sue cerche per nome de l'oficio de l'Insida et daciari, et fatto le sue bolete, et bolate le sue robe sian tenuti tuor uno soprastante, qual al partir di dito burchio sia trato per sorte a l'Insida, con spesa di soldi 20 al zorno per zorni 3, et da zorni 3 in driedo aver debi soldi 10 al di, a conto del patron del navilio, et non più. El qual soprastante li sia dato per l'oficio predito con obligation de accompagnar diti burchi fuora di tutte le pallade, nè se li possi acostar alguna barca de oficiali per farli aucun documento, tuorli regalia over manzaria, nè *etiam* da palatieri nostri, sotto la pena soprascritta. Et quando se trovasse barca over burchio con mercadantie bollate o non bollate senza el soprastante sopradito, possino li oficiali quelle intrometer, desbolar et cercar. Et se dito soprastante assentirà al cometer de aucun contrabando, et serà denonciato sichè el se habi la verità, li sia tajato una man et cavato uno oehio, et sia perpetuamente privo dil suo oficio et di ogni oficio sì dentro come di fuori di questa nostra città, et l'acusador entri nel suo luogo.

Et azio el soprastante sopradito abi causa de far il suo oficio senza fraude alcune di dacii nostri, sii preso et *firmiter* statuido, che zonto serà il burchio a la pallà di Torenova, el dito soprastante insieme *cum* el capitano, scrivan et oficiali di dita pallà siino tenuti far le cerche, et trovando contrabando, quello

278 apresentar debino a l'oficio dove aspeterà la cogni-

tion de quello, et habino la sua parte juxta la forma de le leze di contrabandi, non possendo tuorli per tal cerca cossa alcuna, nè regalia, over *ben andada*, sotto le pene *superius* dechiaride. El qual soprastante, fata la cerca, sii tenuto tuor le bolete, et sotoscrite per il scrivan de la pallà portarle a l'oficio de l'Insida.

Similiter, el se dechiara, che'l non possi esser alguna barca de oficiali che fazi l'oficio in loco algun, che non siano salariate per li Governadori nostri de l'intrade, et pagadi a le Raxon nuove; nè possi algun far tal oficio sotto le pene *superius* specificate. Et tutte quelle barche fusseno di più de l'ordinario, et non fusseno pagate per l'oficio predito siano casse, exceptuando le do barche de l'oficio de le Biave, le qual non possino ingerirse in alguna altra cosa, salvo de biave, sotto la pena sopradita. Et *de cætero* non se possi meter per algun oficio barca alcuna de oficiali se non per deliberation de questo Consejo.

Demum se dechiara, che tutte le cosse et robe che harano esser bollate, debino andar prima a l'Insida, et dechiarirli tute mercadantie che harano ad esser bollate. *Ac etiam* sia tenuto el dazier mandar i soprastanti a veder incapsar et inballar dite robe per securità del suo dazio, dando sacramento al mercadante de la sorta, quantità et qualità de le robe harà incassà et inballà, reservando però sempre l'autorità di Avogadori nostri di comun.

De parte	145
Do non ,	33
Non sincere . . .	0

A dì 12 Zugno. La matina vene lettere di 279^o Franza di l'Orator nostro, date a a dì ultimo Mazo. Scribe

Di Spagna, di sier Francesco Corner orator nostro, date a Saragoza di Ragona, a dì 3 Mazo.

De Ingaltera, di sier Sebastian Justinian el cavalier orator nostro, di 12 Mazo

Da poi disnar fo Consejo di X simplice per ex- 279^o pedir presonieri, et spazò uno per contrabando et asolse uno altro.

A dì 13, Domenega. Fo letere di Zara per la venuta di sier Agustin da Mula vice capitano de lì. Et quelli rectori, sier Andrea Malipiero conte e sier Zuan Nadal Salamon capitano, scrivono zerca quelle fuste turchesche etc.

(1) La carta 278^o è bianca.